

Na osnovu člana 66. Zakona o profesionalnoj rehabilitaciji, osposobljavanju i zapošljavanju osoba sa invaliditetom ("Službene novine Federacije BiH" , broj 9/10), federalni ministar rada i socijalne politike donosi

## **PRAVILNIK**

### **O SADRŽAJU I NAČINU PROVOĐENJA NADZORA NAD ZAKONITOŠĆU RADA, OPĆIH AKATA I STRUČNOG RADA USTANOVA, PRIVREDNIH DRUŠTAVA, ZAŠTITNIH RADIONICA I RADNOG CENTRA**

#### **Član 1.**

Ovim pravilnikom uređuje se sadržaj i način provođenja nadzora nad zakonitošću rada, općih akata i stručnog rada ustanova za profesionalnu rehabilitaciju, privrednih društava, zaštitnih radionica i radnih centara koje je osnovala Federacija Bosne i Hercegovine (u daljnjem tekstu: Federacija).

#### **Član 2.**

Nadzor nad zakonitošću rada i općih akata ustanova za profesionalnu rehabilitaciju, privrednih društava, zaštitnih radionica i radnih centara vrši Federalno ministarstvo rada i socijalne politike (u daljnjem tekstu: FMRSP) i Federalno ministarstvo finansija/financija, svako u okviru svoje nadležnosti.

#### **Član 3.**

Nadzor nad stručnim radom privrednih društava i zaštitnih radionica za zapošljavanje osoba sa invaliditetom ako vrše radno osposobljavanje i ustanova za profesionalnu rehabilitaciju i radnih centara vrši FMRSP.

#### **Član 4.**

Nadzor se vrši sa ciljem da se utvrdi da li se rad privrednih društava i zaštitnih radionica za zapošljavanje osoba sa invaliditetom ako vrše radno osposobljavanje i ustanova za profesionalnu rehabilitaciju i radnih centara obavlja u skladu sa načinom i stručnim načelima za odgovarajuću vrstu ustanova i privrednih društava i treba da obezbijedi da navedeni subjekti izvršavaju svoje zadatke kvalitetno, efikasno i u skladu sa savremenim stručnim i naučnim metodama rada.

#### **Član 5.**

Nadzor nad stručnim radom vrši se na osnovu godišnjeg programa koji utvrdi FMRSP.

Pored utvrđenog programa, nadzor se može vršiti na osnovu prijedloga zaposlene osobe sa invaliditetom, korisnika usluga, privrednih društava i zaštitnih radionica, ustanova za profesionalnu rehabilitaciju i radnih centara kao i na osnovu prijedloga zainteresovanih organa i organizacija.

Prijedlog za pokretanje nadzora nad stručnim radom mora biti obrazložen i sadržavati razloge zbog kojih se nadzor traži.

## **Član 6.**

U slučaju da FMRSP ocijeni da je prijedlog pregleda stručnog rada neosnovan, ili se iz drugih razloga pregled ne može izvršiti, dužno je da o tome obavijesti podnosiocima prijedloga najkasnije u roku od 15 dana od dana prijema prijedloga.

Prijedlog pregleda stručnog rada privrednih društava i zaštitnih radionica za zapošljavanje osoba sa invaliditetom ako vrše radno osposobljavanje i ustanova za profesionalnu rehabilitaciju i radnih centara ne može se odbiti ako je podnesen od strane njihovog osnivača.

## **Član 7.**

Privredna društva i zaštitne radionice za zapošljavanje osoba sa invaliditetom ako vrše radno osposobljavanje i ustanove za profesionalnu rehabilitaciju i radni centri nad čijim se radom vrši nadzor dužni su da obezbijede nesmetano obavljanje nadzora, sve raspoložive podatke i obavještenja, kao i da osiguraju prisustvo radnika čiji se rad pregleda.

Privredna društva i zaštitne radionice za zapošljavanje osoba sa invaliditetom ako vrše radno osposobljavanje i ustanove za profesionalnu rehabilitaciju i radni centri nad čijim se radom vrši nadzor mogu zahtijevati izuzeće pojedinih članova Komisije ili stručnih radnika angažovanih za vršenje nadzora.

## **Član 8.**

Komisija za vršenje nadzora nad stručnim radom privrednih društava i zaštitnih radionica za zapošljavanje osoba sa invaliditetom ako vrše radno osposobljavanje i ustanova za profesionalnu rehabilitaciju i radnih centara, po pravilu, pismeno obavještava prethodno navedene subjekte nad čijim se radom vrši nadzor, o danu određenom za vršenje nadzora.

Izuzetno, u hitnim i opravdanim slučajevima, nadzor se može vršiti i bez prethodne najave.

## **Član 9.**

Za vršenje nadzora nad stručnim radom privrednih društava i zaštitnih radionica za zapošljavanje osoba sa invaliditetom ako vrše radno osposobljavanje i ustanova za profesionalnu rehabilitaciju i radnih centara FMRSP obrazuje Komisiju.

Komisija iz stava 1. utvrđuje:

- opće uslove rada koji omogućuju stručni rad
- način i efikasnost pružanja usluga
- organizaciju, metode i tehnike stručnog rada
- stručni rad svih, odnosno pojedinih profila zaposlenih stručnih radnika.

Prilikom vršenja nadzora Komisija sastavlja zapisnik o ostvarenom uvidu. U zapisniku se konstatuju nedostatci, mjera za otklanjanje utvrđenih nedostataka i rokovi u kojima se utvrđeni nedostaci imaju otkloniti.

## **Član 10.**

Nadzor nad stručnim radom obavlja se po pravilu timski.

U vršenju nadzora nad stručnim radom privrednih društava i zaštitnih radionica za zapošljavanje osoba sa invaliditetom ako vrše radno osposobljavanje i ustanova za profesionalnu rehabilitaciju i radnih centara učestvuju stručni radnici profesija i disciplina koje su zastupljene u djelatnostima privrednih društava i zaštitnih radionica i ustanova za profesionalnu rehabilitaciju i radnih centara nad čijim se stručnim radom vrši nadzor.

Komisija koja vrši nadzor može angažovati i druge stručne radnike osobito specijalizovane za određena pitanja.

## **Član 11.**

Vršenje nadzora nad stručnim radom privrednih društava i zaštitnih radionica za zapošljavanje osoba sa invaliditetom ako vrše radno osposobljavanje i ustanova za profesionalnu rehabilitaciju i radnih centara vrši se najmanje jedanput godišnje.

Komisija sastavlja zapisnik o ostvarenom uvidu i ukoliko su utvrđeni nedostaci daje prijedlog mjera za otklanjanje utvrđenih nedostataka i poboljšanja kvaliteta i efikasnosti rada i izdaje nalog u kom roku se utvrđeni nedostaci imaju otkloniti.

Zapisnik iz stava 2. dostavlja se podnosiocu zahtjeva za izvršenje nadzora, organu upravljanja privrednog društva i zaštitne radionice i ustanove za profesionalnu rehabilitaciju i radnog centra nad kojima se vrši nadzor i osnivaču privrednog društva i zaštitne radionice i ustanove za profesionalnu rehabilitaciju i radnog centra nad kojima se vrši nadzor.

Ovaj zapisnik treba pismeno dostaviti najkasnije u roku od 15 dana po izvršenom nadzoru.

## **Član 12.**

U izuzetnim slučajevima, kada se prilikom vršenja nadzora stekne uvjerenje da je nastala situacija takve prirode da može izazvati posljedice koje se kasnije ne mogu otkloniti, može se naložiti da se nepravilnosti odmah otklone i u tom slučaju zapisnik se odmah dostavlja organima iz člana 11. stava 3.

Privredna društva i zaštitne radionice za zapošljavanje osoba sa invaliditetom ako vrše radno osposobljavanje i ustanove za profesionalnu rehabilitaciju i radni centri kojima je prilikom vršenja nadzora naloženo da preduzmu određene mjere, dužni su da o preduzetim mjerama pismeno i u roku izvijeste organe iz člana 11. stava 3. ovog pravilnika.

## **Član 13.**

Komisija koja vrši nadzor dužna je da podnese godišnji izvještaj o izvršenom nadzoru prema svom planu i programu za izvršenje nadzora federalnom ministarstvu koje je Komisiju formiralo.

Izvještaj iz stava 1. ovog člana sadrži podatke o utvrđenom stanju i problemima privrednih društava i zaštitnih radionica i ustanova za profesionalnu rehabilitaciju i radnih centara nad kojima je vršen nadzor.

## **Član 14.**

Član Komisije ili stručni radnik, odnosno član tima koji vrši nadzor, može izdvojiti svoje mišljenje, ali je dužan da to pismeno obrazloži.

Izdvojeno mišljenje jednog člana Komisije ili stručnog radnika, odnosno člana tima koji vrši nadzor ne može dovesti u pitanje cjelishodnost rada, ocjene i nalaza većine članova Komisije odnosno stručnog tima koji vrši nadzor.

#### **Član 15.**

Nadzor nad primjenom odredbi Zakona koje se odnose na uplatu posebnog doprinosa u smislu člana 18. stava 2. i člana 19. stava 2. Zakona o profesionalnoj rehabilitaciji, osposobljavanju i zapošljavanju osoba sa invaliditetom ("Službene novine Federacije BiH" broj 9/10) i nadzor nad korištenjem sredstava Fonda kao i primjenom odredbi koje se odnose na finansijsko poslovanje, poreske, carinske i druge olakšice vrši Federalno ministarstvo finansija/finansija na način i u postupku utvrđenim zakonom.

#### **Član 16.**

Ovaj pravilnik stupa na snagu narednog dana od dana objavljivanja u "Službenim novinama Federacije BiH".

Broj 02-02/8-808/11  
18. aprila 2011. godine  
Sarajevo

Ministar  
**Vjekoslav Čamber, s. r.**